

# احذر من الطرد بعد رمضان ! | " بعد رمضان يكرم المرء أو يهان " |

## #محاضرة | د. حازم شومان

حازم شومان

اعدلت نفسى للحياة وركبت في ركب الصلاة ففهمتى ويعزتى وسماحتى واعطيدتى صصير حتما النجاة. اخوانى واحبابى في الله كل عام انتم بخير. صفات رجل المرحلة ان شاء الله بازن الله سبحانه وتعالى نبدأ دورة في تفسير سورة - 00:00:00

سورة الاحزاب وتدبرات وحفظ سورة الاحزاب بازن الله سبحانه وتعالى. وسورة الاحزاب طبعاً كلمة خطيرة جداً يا جماعة يعني يعني الاسم السورة نفسه سورة احزاب من سور الله اسم واحد. سورة الاحزاب حينما يجتمع العالم على الاسلام. انت هيبقى رد فعلك في اللحظة دي ايه؟ عشان كده سورة الاحزاب من المواضيع التي - 00:00:30

فيها صفات رجل المرحلة لما الدنيا كلها تجتمع على الاحزاب انت هتبقى فين؟ وانت هيبقى رد فعلك ايه؟ ولكن يعني انا حبيت ان انا ابدأ قبل ما اتكلم عن صفات رجل المرحلة والكلام الكبير احياناً يا جماعة يعني آآ احنا بنتخدع في بعض. قبل ما نتكلم عن صفات رجل المرحلة صفات رجل الامة - 00:00:50

صفات اللي هيقف عشان نصرة الدين في الوقت اللي العالم كله بيحارب الدين. هو انت رجل المرحلة فيما بعد رمضان ولا لا؟ المرحلة الصغيرة بقى اللي احنا دلوقتي احنا الوقتي انت كنت راجل في رمضان بفضل الله. وقطعت شوط حلو في رمضان وربنا فتح عليك في رمضان. انت راجل بعد رمضان. انت لسة مكمل - 00:01:10

المتساقطون بعد رمضان. او فساید بعد رمضان. فيه ناس خدت تسلل بعد رمضان. فيه ناس ما كملتش. وبعد رمضان يكرم المرء او يهان. لأن النبي عليه الصلاة والسلام يقول اللهم اكرمنا ولا تهنا. ناس كتير وهي بتندعى الله يكرمنا بالفلوس والرزق والصحة. اكرمنا اي بالعمل الصالح - 00:01:30

اعطنا ولا تحرمنا اللي هي عطاء الدنيا. انما اكرمنا ولا تهنا اي بالعمل الصالح. فمن اهين هو من لم يفتح عليه في العمل الصالح مشكلة كبيرة جداً يا اخوانى في الله. مشكلة ان يعني احساس بشع. للي بيجه عليهم ان يجيء ملك من الملوك يدخلك قصره يومين وبعد كده - 00:01:50

يقول لك خلاص بالسلامة. لو كان فيك خير ما كانش سابك. احساس رهيب. ان ربنا بعد ما فتح لك الباب ان بعد كده يسيبك. ربنا سابك بعد رمضان ليه لو انت كنت ما صمتتش بعد رمضان وما قمتتش بعد رمضان وما اجتهدتتش بعد رمضان. لو كان فيك خير ربنا سابك ليه؟ لازم تقف مع نفسك في النقطة دي احذر - 00:02:10

من الطرد بعد رمضان. احذر من عدم الاستعمال بل الاستبدال بعد رمضان. فيه ناس مولودين في رمضان. مواليد رمضان رمضان ربنا فتح عليه فتح مبين فيه. عارفين الولادة بيبقى الكل خايف وبكاء وترقب وقلق وفجأة. وفجأة لما - 00:02:30

المولود الكل يفرح والكل يهیص اه بالظبط كده انت تعبت في رمضان. ما تضييعش التعب اللي انت ربنا فتح عليك به في رمضان. انت قعدت تلاتين يوم تروي زرع الایمان جوة قلبك. ما الانسان الاحمق اللي يقعد يروي زرعة تلاتين يوم وفي الآخر يسيبها ويمشي. بعد ما قعد يروي فيها. بعد ما القلب بدأ يخضر بعد ما - 00:02:50

الجبل بتاع القلب بدأ يبقي شلال هيخدر الدنيا جوة القلب. ولكن للأسف فيه ناس بعد ما الایمان بدأ يتولد في قلوبها بعد رمضان بدأ تتساقط بعد رمضان. الهاربون بعد رمضان. احساس رهيب. احساس رهيب ان يعني حد من المليارديرات يجييك - 00:03:10

اكلك اكل حلو او ي يومين ثلاثة وبعد كده يقول لك خلاص ما عدتش ما تكله لك. هو يا جماعة اللي ربنا دوقه لعبادة في رمضان. اللي ربنا دخله جنة الطاعة في رمضان وبعد - 00:03:30

كده خرج منها ما سالش نفسه هو ربنا سابك ليه؟ هو انت مش حاسس بالاستبدال ولا ايه؟ مش حاسس بانك انت اه يعني في حاجة خطيرة حصلت في حياتك. لو ملك من الملوك دخلك في كنفه ايام وبعد كده سابك ده احساس رهيب اللي بيفهم. انما فيه ناس مش - 00:03:40

مش واحدة بالها. عادي انا كنت بعد في رمضان وما عدتش بعد بعد رمضان. دا استبدال هزا استبدال والعياذ بالله. احذر من الطرد بعد رمضان. قال حذيفة من اليمان الاسلام اسهم. فالصلة سهم والصيام سهم والزكاة سهم والحج سهم. والامر بالمعروف سهم والنهي عن - 00:04:00

المنكر سهم والجهاد في سبيل الله سهم. سيدنا حذيفة بن اليمان رضي الله عنه وارضاه يقول ان الاسلام ده عامل زي شرك مساهمة. كل واحد فينا واقف على ثغر من فوق - 00:04:20

عزة الاسلام في الارض هي مجموع الاسهم الفعالة. هي مجموع الناس اللي شاركت باسهم من اجل بناء الاسلام زي شركة مساهمة ده حاطة الف وده عشر تلاف وده ميت الف. طب اللي ما حطش حاجة بقى فيه ناس ما حطتش حاجة في شركة الاسلام. عشان كده سيدنا حذيفة يقول في اخر - 00:04:30

اثر وقد خاب من لا سهم له. يا خبيته اللي جه بعد رمضان وربنا ما استعملوش في حاجة. اللي كان في رمضان يساهم في الدين بحق و حقيقي باسهم العبادة. وجه بعد رمضان ما عملش حاجة. يعني ازمة كبيرة او ي جماعة. عايزين نقف فيها لان فيه - 00:04:50

بعد رمضان كما قال الله عز وجل يا ايها الذين امنوا توبوا الى الله توبة نصوحا. توبة نصوحة التوبة اللي ولد من داعية الى الذنوب الى داعية الى الطاعة. نصوحة اي تتحول الى ناصح من ناصح الامة بعدها. تتحول الى داعي من الدعاء الى الطاعة بعدها - 00:05:10

بعد ما كنت داعي من دعوة المعصية التوبة قلبتك ناصح من الناصحين لlama. والتوبة الخالصة الصافية. خلاص قررنا نتوب الى الله توبة نصوحة. عسى ربكم ان يكفر عنكم سيناتكم. ويدخلكم جنات تجري من تحتها الانهار. يوم لا يخزي الله النبي والذين - 00:05:30 امنوا معه نورهم يسعى بين ايديهم وبايديائهم يقولون ربنا اتمم لنا نورنا. احساس رهيب احساس واحد داخل على الصراط ويلتقي واحد الدنيا نورت وبعد كده طفت قام وقع في جهنم. واحد اخذ فيه. يعني كالاليب الصراط او في خطاطيف الصراط. فهو داخل مرعوب - 00:05:50

احسن هو كمان الدنيا تنور معه شوية وبعد كده تتطفى. ربنا اتمم لنا نورنا. انت كملت في الدنيا النور هيكمي في الآخرة. ولا انت تساقطت في الدنيا النور يقف في الآخرة. فلو عايز النور يكمل صدمة رهيبة. ان الدنيا تنور نص الصراط وفجأة النور يقطع. ما هو لانك انت في الدنيا كنت اشتغلت شوية - 00:06:10

وبعد كده انقطع العمل بنتائجك. احذر من الطرد بعد رمضان. احذر ان تكون من المتساقطين بعد رمضان. احذر انك انت يعني يصدر منك او فسايد بعد رمضان يكرم المرء او يهان. خليك من مواليد رمضان خلي رمضان بالنسبة لك انطلاق. خلي رمضان بالنسبة لك - 00:06:30

فتح احذر احذر من عدة اشياء. اول حاجة احذر من التوقف بعد رمضان. احذر انك انت تقف. احذر انك انت جهدك في طاعة. يا جماعة لم تكن ربنا في رمضان هو رمضان. انما كان ربنا في رمضان والذى فتح علينا هو الله. ورب رمضان هو رب شوال ورب ما بعد رمضان - 00:06:50

فما تقولش الطبيعي ان انا كنت اعبد في رمضان. وال الطبيعي ان انا ما اعبدش بعد رمضان. مين اللي قال لك الوهم ده؟ اللي فتح عليك في رمضان يفتح عليك بعده. اسأل نفسك - 00:07:10

اسأل النبي ما دام الامر في ايدي واحد هو ربنا ليه بعد رمضان لم يفتح علي في العبادة؟ اخذر من التوقف بعد رمضان. رمضان كان خطوة. خطوة في طريق طويل. خطوة - 00:07:20

اه في كذا خطوة في الوصول الى الله. ما فيش انسان بيوصل لربنا في خطوة. مهما جودت الخطوة دي ومهما حسنتها. ما فيش طالب بيجب امتياز او حتى لانه في شهر موت نفسه في المزاكرة. طول السنة الدراسية وباقى السنة نام فيها. ما فيش حد ده ما بيحصلش. فرمضان كان خد ساعات كان خطوة - 00:07:30

وصحيحة اه طعنت فيه شوط جميل بفضل الله حتى اضعف الناس فيها. حتى اقل الناس عبادة في رمضان. مش صمت تلاتين يوم ده ده بطولة جباره في حد ذاتها. فانت قطعت في رمضان شوط عظيم. ده الكسول الكسل التام في رمضان. قطع صوت كبير - 00:07:50

ما ينفعش ما تكملاش. رمضان كان خطوة في الطريق. وما فيش خطوة واحدة بيتوقف عليها الطريق كله. هو انت مش بعت لله؟ ان الله اشتري من المؤمنين انفسهم صوموا اموالهم. هو انت مش بعت ولا ما بعتش؟ راجع تلف وتدور تاني ليه؟ راجع تهرب من ربنا ليه؟ بعد ما ربنا دخلك جنة الطاعة فاخرجهم من - 00:08:10

ما كان فيه راجع تخرج نفسك تاني ليه؟ نعم اجر العبادين ونعم اجر العاملين. عبادة الله سبحانه وتعالى يا جماعة اللي ملأ بها حياتنا بركة في رمضان لازم تكمل فيها عشان ربنا يملئ حياتك بركة بعد رمضان. قال تعالى ولقد كتبنا في الزبور من بعد الذكر - 00:08:30  
ان الارض يرثها عبادي الصالحون. اشمعنى الزبور يعني؟ الزبور ده كتاب داود. داود هو اعبد البشر كما قال النبي صلى الله عليه وسلم سيدنا داود اية من ايات ربنا في العبادة وعطاءات الله للعبادين ملت حياته. فربنا جايب لك الكتاب بتاع اعبد البشر الذي كان - 00:08:50

على داود بعبادة الله سبحانه وتعالى. ولقد كتبنا في الزبور من بعد الذكر ان الارض يرثها من عبادي الصالحون. يبقى من ثمار التمكين في الارض. انت عايز ربنا يمكن لنا في الارض. عايز ربنا يمكن لاهل الدين في الارض. بدل ما هم مستضعفين مستذلين - 00:09:10  
يعني مقهورين يعني بيلفوا حوالين نفسهم. عايز ربنا يمكن لهم في الارض. العبادة الله يمكن لعباده الصالحين. ده الكلام اللي بآيده مقاليد السماوات والارض يخفض القسط ويرفعه. ولقد كتبنا في الزمر من بعد الذكر ان الارض يرثها عبادي الصالحون. ان في هذا لبلاغا - 00:09:30

ان في هذا اي في هذا القرآن لبلاغا. القرآن هيبلغك وهيوصلك بس لمين لقوم عابدين. يبقى انت انتفاعك بالقرآن على قد العبادة. انت الوقتي كل ما يكون قلبك طاهر وعامل زي الارض الخصبة. مستعدة لقبول بذور الوعظ القرآني. فتنبت كل ما قلبك يستفيد من القرآن - 00:09:50

انما قلب حجر هيستفيد من القرآن ايه؟ هيستفيدوا من القرآن. ان في هذا لبلاغا بس من لقوم عابدين. يبقى انت انتفاعك انا على قد جهدك في العبادة. كلما دخل عليها زكريا المحراب وجد عندها رزقا. ايه الرزق المفسرين قالوا ايه؟ قالوا معاني عظيمة في معرفة الله - 00:10:10

معاني عظيمة في الدين وفهم الدين. وفاكهه الشتاء في الصيف وفاكهه الصيف في الشتاء. يعني رزق مادي ورزق ايماني. فتح. يعني كل ما هتبعد كل ما ربنا هيفتح عليك. هنالك دعا زكريا ربه قال رب هب لي من لدنك ذرية طيبة. انك سميع الدعاء فنادته الملائكة وهو قائم - 00:10:30

من يصلي طب ربنا كان ممكن يقول فلذته الملائكة ليه وهو قائم يصلى؟ لأن ربنا بيقول لك ان لحظة العبادة وانت واقف تبعد وانت واقفة في قيام الليل وانت صائم وعطشان وقاعد تراود نفسك طب انا صمت رمضان طب اصوم بعد رمضان ليه؟ وانت ماسك المصحف وقاعد تثابر وانت ماسك المصحف وقاعد - 00:10:50

وزهقان ومجهد وانت بتحفظ. وانت قاعد في جلسة الضحى بتذكر الله. انت لا تعرف ربنا من فوق سبع سماوات بيكتب لك عطاءات قد ايه وربنا من فوق سبع سماوات بيكتب لك اكرام قد ايه. فنادته الملائكة وهو قائم يصلى. وهو قائم يصلى دي اعظم لحزة -

فتحي في حياتك. كل ما الوصف ده تراهم ركعا سجدا مش ركاعا سجدا تراهم. كلما نظرت اليهم في اي ساعة من ليل او وجدتهم يصلون وهو قائم يصلي دي بداية الولادة الحقيقة وهو قائم يصلي. عشان كده ان شاء الله بازن الله مجهزين لكم -

00:11:30

بس يعني في النهاية تلات اعمال طبعا بعد رمضان للرجاله بقى. يعني منهم العمل بتاع دوره سورة الاحزاب اللي احنا بادئين فيها دلوقتي ولكن قلت لك قبل ما اقول لك رجل مرحلة في نصرة الامة هو انت رجل المرحلة على قد ما بعد رمضان ولا لأن. هي دي الوقفة اللي احنا واقفينها دلوقتي. احسن اكلمك كلام كبير - 00:11:50

وانت الكلام الصغير نفسه انت ما انتاش مطбقة. اكلمك عن البطولة في الامة. واكلمك عن مصير الملتزمين حينما سيأتي الاحزان زي ان المنزد اللي انت شايفه ده لما بجد بيأتي الاحزاب معزمه لا يثبت ولا يستقر. واكلمك ان ربنا بيهدى الارض لاحدات - 00:12:10

عظيمة لم يثبت فيها الا الرجال. واكلمك عن مجيء الاحزاب واكلمك عن دورك وانت راجل مرحلة ولا لا؟ وانت قاعد قدامي المصحف بتاعك محظوظ على الرف بعد رمضان. واحدة خارجة من تراويف في مسجد من المساجد خلعت الطرحة. ياه - 00:12:30

اصل الصلاة خلصت. فيه ناس كده معتقدة ان رمضان ده كان يعني هي ما بتقولهاش بس بتقولها بالحال مش بالمقابل كان همه اتزال كان خلاص بقى حاجة صعبة كده والحمد لله نتقابل رمضان اللي بعده. اكون باكلمك عن رجل المرحلة وراجل الامة وانت على -

00:12:50

فكنت الشخص في الصلاح بينك وبين نفسك مش في الاصلاح ما انتاش راجل ما انتاش بطل ما انتاش سابت فدي وقفه فدي دوره بازن الله من اول المرة الجاية ان شاء الله بازن الله وان كان النهاردة مقدمة لها اللي هي صفات رجل المرحلة وهتبقي دوره بجواز وعمرات وحاجات كبيرة بازن الله - 00:13:10

سبحانه وتعالى الحاجة الثانية وهقولها لكم بقى بالتفصيل في النهاية دوره عن الصلاة. ما انا بقول لك وهو قائم يصلي فنادته الملائكة وهو قائم ليصلي اية تلهف قلبك عن الصلاة. وهو قائم يصلي دا وصف الله يحبه. وصف الله ذكره في سورة ال عمران - 00:13:30

الصورة اللي بتكلمك ازاي تبقى من اهل العمران في الدين والدنيا؟ ازاي تعمر الدنيا بالجهاد في سبيل الله وبنصرة دين الله؟ اللي مش هيتحقق فيه الوصف ده من كان ضعيفا في صلاته كان ضعيفا في حياته. قوتي في حياتي على قدر صلاتي. صلاتي سر قوتي في حياتي. وصلاتي سر - 00:13:50

في سعادتي في حياتي. وصلاتي سر عبوديتي في حياتي هي الصلاة هي السر. فهنهعلن عن دوره يوم علمي ان شاء الله بازن الله. مع حوالي ستين سبعين حديس كده من احاديس الصلاة دوره اسمها الصلاة نور. عايزين الدنيا تنور ولكن الكلام ده في الاخر هاعلن له لكم وهنأخذ اسماء طبعا لان الاعداد بتبقى محدودة في مسل هزه - 00:14:10

فيه الامور وثم اشياء اخرى ولكن نكمل مع بعض يا جماعة اووعي تقف بعد رمضان. احذر من التوقف بعد رمضان. احذر من ان جهد العبادة المدى بتاعك يقف. قال رسول الله صلى الله عليه وسلم انما سمي الخضر خضرا. لانه جلس على فروة بيضاء فقام فاذا هي تهتز من خلفه - 00:14:30

في خضراء. الخضر بيقول لك كان لما يقعد على اي ارض تخضر. كان لما يقعد على اي ارض اتنبت. كان سر عمار في كل مكان بيروح فيه. بركة العبادة فتح الله على اهل العبادة. ومدد الله وكرامات الله لاهل العبادة. احذر من التوقف بعد رمضان. اووعي اعظم سبب للفتح في حياتك - 00:14:50

توقفه بعد رمضان. الصيام والقيام وجلسات الضحى وفتح المصحف وتلاوة القرآن وحفظ القرآن. اووعي اكبر سبب لوصلك لا تضيعه بعد رمضان اللي احنا بنعمله بعد رمضان ده يا جماعة. احنا للاسف مش فاهمين الدين. يعني من الحاجات اللي بتلهب قلب الواحد ان ما كانش - 00:15:10

الصحابة حاجة اسمها ازاي اسبت بعد رمضان. عمر ما في صاحبي راح للنبي عليه الصلاة والسلام عليه الصلاة والسلام في شوال.

يقول له يا رسول الله انا حاسس ان انا بعد رمضان يعني الدنيا مش مصدقة - 00:15:30

بطل. ابسبت ازاي بعد رمضان؟ ما كانش فيه الكلام ده يا جماعة. كانوا رجالة في الدين مش ده. اللي احنا بنعمله ده مش ده اللي الاشوريين عشانه. قعدوا الف وخمسين كيلو في غزوة تبوك على رجليهم. لما كان معهمش دابة مش ده اللي احنا بنعمله مش ده اللي لما احنا اصحاب النبي عليه الصلاة والسلام قتل في احد. وهو بيلفظ - 00:15:40

انفاسه الاخيرة قال بلغوا رسول الله مني سلام وosaloh. هل وفيت يا رسول الله؟ ان انا استشهدت دلوقتي وجاهدت وانا باحافظ عليك وباحفظ دين الله واستشهدت هل وفيت يا رسول الله؟ اللهم خذ من دمي اليوم حتى ترضي. مش ده يا جماعة اللي احنا بنعمله مش ده - 00:16:00

ايه اللي خلى مصعب ابن عمير يتقطع اربع حتت قدام النبي عليه الصلاة والسلام في غزوة احد ولا عبدالله ابن جحش يبقر بطنه ويبعد انهه وتقطع اذنه في غزوة احد - 00:16:20

مش ده اللي احنا بنعمله ده يعني اتخذوا دينهم لهوا ولعبا. احنا بنلعب في الدين. في ناس بتلعب بالدين ودول اكابر المجرمين. وناس بتلعب في دين وده واحد الدين لعبه. ولكن واحد بيلعب بالدين وواحد بيلعب في الدين. عايزين يبقى عندنا دين بحق و حقيقي. مش دين - 00:16:30

اللي متبرجة تضيعه. مش الدين اللي مقطع على الفيس يضيعه. مش الدين اللي لما تلاقي نفسك لوحدهك وما عدش فيه الجو الجماعي بتاع رمضان واقع. عايزين يبقى عندنا دين. احذر من التوقف بعد رمضان. احذر ان سبب مددك ورزق الله لك وفتح الله عليك. ونجاتك في القبر - 00:16:50

جاتك من اهوال خمسين الف سنة يوم القيمة. ونجاتك من مس سقر وسبب فوزك بالجنة احذر ان كل سبب ده تضيعه بعد رمضان وعبادة الله سبحانه وتعالى والاستمرار في طريق الله. الحاجة الثانية احذر من الضعف بعد رمضان. فيه واحد ما بيقفلش بعد رمضان ولكن بيضعف - 00:17:10

من الضعف بعد رمضان. من اكتر الحاجات اللي ربنا اكده عليها في القرآن ان طريق ربنا ده يا جماعة فلبت سنتين في اهل مدين. طريق فين الطريق سنتين فلبت سنتين هو سيدنا موسى ربنا كان موديه مدين ليه؟ كان التربية لسيدنا موسى. فترة تأهيل عشان هيروح لفرعون بعدها. فترة - 00:17:30

دي كانت فترة تأهيل و التربية ربانية لموسى. فلبت سنتين. الله! طب يا رب ما لبستش هو. هو سيدنا يوسف قاعد في السجن عشر سنتين ليه؟ فلبت في السجن بضع سنتين. عشان مقام قلب واحد. ارجع الى ربك. عشان مقام ارجع الى ربك. عشان يتخلق في قلبه مقام - 00:17:50

واحد ربنا قعد في السجن عشر سنتين. يبقى مجيء المقامات الایمانية وتطهير القلب من الشهوات والشبهات والوصول الى اليقين والاستقامة على اوراد العبادة ده طريق سنتين. ما هو اش طريق شهور ولا طريق ايام. ولا شهر رمضان وتبقى خبطة تلاقي نفسك - 00:18:10

بعد رمضان لسة تحتاج تجاهد لأكفاية وجاهدك كده يا رب. انا ما اقدر اجاهد اكتر من شهر. خلاص انا تعبت في رمضان تعبت من شهر. لازم توطن نفسك قال رسول الله صلى الله عليه وسلم ان الله لا يعجل لعجلة احدكم. انت انت بتستعجل ربنا لا يعجل وقال النبي صلى الله - 00:18:30

صلى الله عليه وسلم ان الله لا يمل حتى تملوا. انت زهقت من المجاهدة انت حر بقى. ان الله لا يمل ربنا هيفضل معك صبور رشيد حكيم رؤوف رفيق لطيف سبحانه وتعالى لحد ما انت اللي تزهق. انت حر انت اللي زهقت. انت اللي زهقت. افضل حاول. احيانا - 00:18:50

فيه واحد بيفضل يخبط على الباب. لحد ما الباب هيتفتح يزهق قبل ما الباب يفتح ويمشي. خلاص يا عم ربنا كان هيفتح عليك. خلاص انت جيت زهقت انت في الاخر انت طول ما انت واقف على باب ربنا انت لا تدري فرح الله بك. ربنا بيتحنك وربنا بيربيك.

فليشت سنين وطن نفسك - 00:19:10

ان المجاهدة من اجل الوصول الى الله ومن اجل اصلاح القلب ده طريق سنين. عشان كده في سورة الكهف. الله سبحانه وتعالى كل قصة من قصص سورة الكهف. ربنا بيقول - 00:19:30

او عى تستعجل. اول قصة عدم الاستعجال في العبادة. قصة سبعة اخوة من الملزمين قعدوا تلتميست سنة يعبدوا ربنا مع بعض. تلتميست سنة في بيت اليمان. تلتميست سنة في الاخوة. تلتميست سنة. ما تستعجلش. عشان كده اخر القصة ربنا بيقول للنبي - 00:19:40

قل عسى ان يهديني ربى لا اقرب من هذا رشدا. الرشد الرشد انك انت لا تعجل الله لا يعدل لعجلة احد. انت بقى مستعجل اللهفة على تغيير الواقع هي اكبر سبب لخراب الواقع. واكبر سبب لعدم التأثير في الواقع. عدم الاستعجال في العبادة. بعد كده القصة اللي بعدها - 00:20:00

صاحب صاحب الجنتين. عدم الاستعجال في الدعوة. ربنا ما جابش واحد بيتكلم قدامه الجماهير. يعني حتى في صور ربنا يقول لك ايه؟ آا اضرب لهم مثلا اصحاب القرية اذ جاءها المرسلون. القرية كلها واقفة. والمرسلين قاعدين يكلموا القرية. ومشهد جماعي رهيب وجاح - 00:20:20

له قوم قال اتحاجوني في الله. واحد واقف قدام بلد انما المنزr اللي في سورة الكهف واحد قاعد يكلم واحد. وماشي معه وخارج معه داخل الحديقة بتاعته معه. والثاني كافر والثاني معاند ومستمر. منزr رهيب. منزr سورة الكهف. منزr عدم الاستعجال في الدعوة. منزr من منازr - 00:20:40

الدعوة الفردية هو انت ممكن تفضل شهر اتنين ثلاثة مركز مع واحد بس بتدعوه هو ده اللي جاب التمكين في نهاية سورة الكهف. القصة الثالثة عدم استعجال في طلب العلم واذ قال موسى لفتاة لا ابرأ حتى ابلغ مجمع البحرين. انا لو قلت لك دلوقتي سافر آا بلد بيبنا وبينها نص ساعة عشان تحضر - 00:21:00

درس علم. يعني درس ايه يعني؟ درس فقه وعقيدة؟ يعني ما الدروس موجودة. يعني ليه سيدنا موسى سافر مجمع البحرين؟ عشان تلات مسائل عشان تلات مسائل وربنا بيعلمنا ايه ؟ لا تعجل لا تعجل الطريق طويل تلات معلومات في الدين يستاهلو سفرية لمجمع البحرين. اه تلات معلومات في الدين يستاهلو سفرية - 00:21:20

مجمع البحرين ولازم وفي النص فلما جاوزها قال لفتاة واتنا غدائنا لقد لقيينا من سفرنا هذا نصبا. او عى تغفل عن الزات بتاعك. او عى هتغفل عن اوراد العبادة بتاعتك وانت في طريق طلب العلم. او عى تغفل عن حفظ القرآن وانت في طريق طلب العلم. وحفظ القرآن واعظم طلب العلم. ما تستعجلش - 00:21:40

نهاية عدم الاستعجال في العبادة في القصة الاولى. وعدم الاستعجال في الدعوة في القصة الثانية. وعدم الاستعجال في العلم في القصة الثالثة. كان التمكين قصة زو القرنين بلغ مغرب الشمس بلغ مطلع الشمس بلغ بين السدين. قصة التمكين الرهيبة دي كلها. جت بعد القصص الطويلة بتاعة عدد - 00:22:00

الاستعجال دي ما تستعجلش. ما تستعجلش في الدين. خد فاتورتك عشان تتربي. خد فترتك عشان تتبني. مش عايزك تطلع ملززم مبتسن زي الجنين المبتسن اللي اتولد قبل ميعاد النضج الطبيعي. مش عايزك تطلع مبتسن مبتسن ما تستعجلش على استعمال ربنا لك في الدعوة. ما تستعجلش انك انت - 00:22:20

هتطلع على الفيس تعمل مقطوع. ما تستعجلش انك انت عايز اخلص ما تستعجلش. خد فترتك ووطن نفسك فليشت سنين وطن نفسك انك هتقعد سنين تجاهد من اجل اصلاح قلبك ومن اجل طلب العلم ومن اجل تربية نفسك بالعبادة وبالدعوة الفردية - 00:22:40

لحد ما تستوي ولما تستوي راح تبقى عامل زي النهر اللي فائض. ربنا هيخللي الضفاف اليمين والشمال جنة. وهو ماشي. هو من غير ما تقصد انت هتبقى بتخدر من غير ما تقصد هتجلس على الفروة البيضاء. فستهتز من خلفك خضراء. لانك انت بقى مليء. هتبقى عامل زي الاناء - 00:23:00

اللي اتملي هييفيش على اللي حواليه بدون ما يقصد. هو اتملي خلاص. فيبيفيض على اللي حواليه من غير من غير ما يقصد. اخواني في الله. اووعي احذر من الضعف بعد رمضان. احذر انك انت تضعف بعد رمضان. احذر انك انت دينك يضعف بعد رمضان. بعد كده احذر من - 00:23:20

مراد بتاعة بعد رمضان. لما بيكون فيه وباء بينتشر في بلد من البلاد في فترة معينة لازم وزارة الصحة بتعمل تطعيمات ضد الوباء ده. وبتعمل تحذيرات ضد الوباء ده فيه مشاكل بتحصل بعد رمضان. المشاكل دي ممكن تكون صغيرة. ولكن تأثيرها بيبقى كبير جدا على الملتزمين والملزمات - 00:23:40

للأسف الشديد ناس كتير جدا جدا بتنلزم في رمضان. ناس كتير جدا جدا بتصلح مسار حياتها في رمضان. لأن اصلا تصحيح بصار. تصحيح في خط السير. ولكن معظم الناس دي ما بتكمليش بعد رمضان. بسبب مشاكل صغيرة. ما لقاش حد يوجه لها - 00:24:00

قلت لكم ان فيه خمس مشاكل بتحصل بعد رمضان لازم تاخد بالك منها. منهم مشاكل بتحصل اللي ما كانش ملتزم قبل رمضان. وبينهم مشاكل بتحصل اللي كان ملتزم بس ما كانش مجتهد او ما كانش مستقيم على الاوراق. ومنهم مشاكل بتحصل اللي اجتهد او في رمضان وعاش جنة - 00:24:20

رمضان بس ما عرفش يعمل ايه بعد كده. اول مشكلة بتحصل بعد رمضان. مشكلة الزنب الكبير. مشكلة المعصية الكبيرة ودي ياما شفتها في كثير من الملتزمين. والواعي كان اتصدم منها تلاقي الاخ جاي لك بعد رمضان او بعد عشر زي الحجة او بعد الحجة او بعد العمرة يقول لك انا وقعت في زنب كبير. طب وقعت في زنب كبير ازاي؟ انت المفروض - 00:24:40

تدخل في طاعة كبيرة. يقول لك انا وقعت في زنب كبير. والواحد كان يستغرب جدا من الموضوع ده. لحد ما الواحد تدبر في قول الله سبحانه وتعالى فاذا فراغت فانصب - 00:25:00

اصل هي العبادة حصن. انت لما بتخرج برة العبادة الشيطان بيتمكن منك. انت مش قوي. انت قوي طول ما انت جوة جنة العبادة. طول ما انت جوة حصن عبادة اول ما تخرج برة العبادة الشيطان هيتشك على طول. يبقى ايه السبب ان الواحد بيقع في زنب كبير بعد رمضان؟ ان هو بيعتبر ان بعد مواسم العبادة - 00:25:10

هذا او بعد فترات المجاهدة الكبيرة انا واخد اجازة بقى. اما اريح شوية. اخطر حاجة بعد انجازات العبادة يا جماعة انك تفتكر ان انا انجزت اما ارتاح بقى راح مين يا ابني؟ انت انت بترتاح جوة الطاعة. مش بترتاح من الطاعة. انت بتهدى شوية. ولكن انت ما بتركنش برة الطريق وبتخرج برة - 00:25:30

الطريق اصلا. فالوقوع في زنب كبير. الحاجة الثانية اللي ممكن تحصل بعد رمضان الوقوع في زنب يؤدي الى احباط. واحد بقى خارج من رمضان فرحان بقى ان رمضان كان جنة وانا باعاهدك يا رب. ما عندهوش خبرة دي بتحصل دايما مع اللي كان مش ملتزم قبل رمضان. وانا يا رب بقى هانطلق اليك يا رب. وانا باعاهدك - 00:25:50

وانا وانا يخرج من رمضان يقع في معصية. الشيطان يجي له ما فيش فايدة فيك. اول معصية بعد رمضان دي احيانا بتبقى سبب دمار للاخ. واحيانا بتبقى لطف من ربنا. عشان من اولها يتعلم ان عادي انك انت تقع وتقوم تاني. يبقى احذر من - 00:26:10

احباط بعد رمضان. واحذر من الذنب الكبير بعد رمضان. الحاجة الثالثة احذر من التعقييد بعد رمضان. يعني ايه التعقييد؟ فيه ناس يا جماعة عاشت في رمضان وجميل قوي انا فاكر مرة كنت في اعتكاف وكان مع الدكتور عبدالرحمن الصاوي ودكتور غالب رمضان يعني كنا لسة طلبة في تالتة الكلية كده فدكتور عبدالرحمن كان بيقول لنا كلمة - 00:26:30

بعد الاعتكاف هو داعية من ايامها يعني بفضل الله يعني. فيبيقول لنا كلمة فيبيقول ايأس انك مستستطيع ان تبعد الله بعد رمضان كما عبدت الله في رمضان. الكلمة دي زعلتني اوي ساعتها ووجعت قلبي اوي. يعني ايه؟ ليه؟ ليه ما اعبدش ربنا بعد رمضان زي ما عبدت ربنا في رمضان - 00:26:50

الزعـل بتاعـي ده كان سبـبـي انـا اتعـطلـتـ كـتـيرـ اوـيـ. الليـ هوـ انـا اـنتـ تـخـرـجـ منـ رـمـضـانـ. اـناـ عـاـيزـ بـقـىـ اـقـوـمـ تـلـلـاتـ اـرـبعـ سـاعـاتـ كلـ لـيـلـةـ

زي رمضان وعايز اصوم يوم ويوم صيام داود افضل الصيام. وعايز جلسة الضحى كل يوم. وعايز انا عايز - 00:27:10  
بالطاقة بتاعة رمضان. يا ابني رمضان ده وقفة انت كنت متفرغ فيها للعبادة. انما باقي السنة انت هيدخل حاجات كتير تانية لسه على العبادة سواء في الدين او في الدنيا. فما ينفعش انك انت تقىيس برة رمضان على رمضان. عشان كده النبي عليه الصلاة والسلام قال من صام رمضان ثم يتبعه ستا من - 00:27:30

ستا من شوال ستة يعني خمس شوال. بيقى انت اللي مطلوب منك بعد رمضان هي خمس الطاقة بتاعتك في رمضان. بيقى انت قىيس كل حاجة كنت بتعملها في رمضان؟ مطلوب منك خبز الطاقة بعد رمضان. مش مطلوب منك انك تكمل بنفس الطاقة. احذر من التعقيد. انك تخرج من رمضان. انا عايز اعمل كل حاجة ومن - 00:27:50

اكبر مداخل الشيطان للملتزمين انه يقعد يسخنك على اعمال صالحة وعارف انك مش هتقدر تستمر عليها. مش هتقدر. مش هتقدر تكمل بالمنزد فتقوم تقع يقوم يجي لك احباط. ما هو انا يا اورنان! انا يا اما كل شيء يا اما لا شيء. انا يا اما يعني فاكر كنت كاتب -

00:28:10

رسالة كده للشيخ يعقوب وانا طالب في الكلية سنة تانية تقريبا او تالتة حاجة زي كده يعني. باقول له ان طموح القلب يخضع لنفس القانون الذي وضع له عضلة القلب. قل اورناند رول. اما كل شيء واما لا شيء. انا عايز كل حاجة في الدين. انا كنت فاكر وقتها بقى ان دي حاجة كويستة وان دي - 00:28:30

ما كنتش اعرف ان الكلام ده بيعطل سينين. لازم تبقى واقعي بعد رمضان. ويبيقى عندك جدول عبادة وقاية بعد رمضان. المرض اللي بيحصل بعد رمضان برضه مرض التوهان. مرض التوهان ده بيحصل للانسان برضه اللي التزم في رمضان بس خرج منه خرجه حلوة بقى - 00:28:50

وعايز يلتزم بحق وحقيقي بقى. وعايز ينطلق في طريق ربنا ومش عارف يعمل ايه بقى. احفظ قرآن ولا احضر دروس ولا اطلب علم. ما هو بقى في رمضان الجو بتاع رمضان جو جماعي. فانت ده بيطلب علم فبيقول لك تعال معي. ده بيحفظ قرآن. تعال معي. وده بيسافر في طلب التربية. تعال معي. وده - 00:29:10

في معهد اعداد دعاء. تعال معي. وده بيقوم الليل. هو قيام الليل. طب اعمل ايه بقى؟ مرض التوهان. ركز. شف اكتر عبادة ربنا فتح قلبك لها في رمضان وفتح عليك في رمضان. انا مسلا او انت مسلا او ده مسلا ربنا فتح عليه في تلاوة القرآن. وقلبه نور بتلاوة -

00:29:30

القرآن الزم تلاوة القرآن بعد رمضان. خلاص هو ده المفتاح بتاعك. ده النور اللي ربنا اداه لك في الخطوة دي. لان كل خطوة بتاخدها في طريق ربنا بيديك بتاعها زي سيدنا ابراهيم كده. جن عليه الليل رأى كوكبة. قال هذا ربى. فلما افلا قال لا احب الاولين. النور بتاع التدبر - 00:29:50

في القمر كان لا احب الاولين. النور بتاعنا في الكوكب. النور بتاع التدبر في القمر كان لان لم يهدني ربى لاكونن من القوم الضالين. النور بتاع التدبر في الشمس كان وجهت وجهي للذى فطر السماوات. النور بتاع النزول للناس والجولات والدعوة - 00:30:10

من الناس فاي الفريقين احق بالامن؟ بيقى كل خطوة خطها لربنا ربنا اداه نورها. ربنا شكور. اي خطوة هتاخدها في طريق الى الله ربنا يديك النور بتاع الخطوة دي. انت ايه النور بتاع خطوة رمضان؟ ايه الحاجة اللي ربنا نور لك قلبك بها في رمضان؟ ايه الحاجة اللي - 00:30:30

ايه المكافأة الربانية لك في رمضان؟ الحاجة اللي لقيت قلبك فيها لقيت قلبك في الصيام؟ ولا لقيت قلبك في تلاوة القرآن ولا لقيت قلبك فيه انك تنزل للشباب تدعوهم بعد صلاة التراويح ولا لقيت قلبك في الصدقات واعطاء الفقراء ولا لقيت قلبك - 00:30:50

انك تمكث في المسجد في العشر الاواخر ولا لقيت قلبك في صلاة الجمعة وكثرة التوافل لقيت قلبك في ايه ركز احرز من التوهان المرض الخامس اللي بيحصل بعد رمضان اللي هو مرض العودة الى الغفلة بقى مرض الانهيار. اللي هو كان شهر وسلام عليكم. ده

اسوانية في رمضان. اللي هو اصلا - 00:31:10

داخل رمضان بنية هي فترة وسلام عليكم. عارفين اللي بيذاكر ايام الامتحانات ويخرج من الامتحانات يقوم رامي المذكرات ولا رايح بابيعها للعربات اللي بتتمشى في الشوارع بالمالايم. خلاص انا كنت ناوي هو ده بيقى آآ عالم في يوم من الايام! ده هيبقى حاجة في يوم من الايام! ده واحد كل قضية - 00:31:30

امتحان وعديت منه وخلاص. انما يعني رمضان لا يتعامل معه بهذا المنزرا ابدا فدي خمس امراض بعد رمضان. احذر من امراض بعد رمضان. ايه هم؟ واحد الوقوع في ذنب كبير، وده بسبب ايه؟ الاجازة الدعوية - 00:31:50

وده بسبب وده بسبب الاجازة الدعوية. الوقوع في ذنب كبير وده بسبب ان واحد خد اجازة ايمانية. اجازة تعبدية اجازة دينية. انا انا في اجازة بعد رمضان. المرض الثاني الاحباط. وده بسبب اول معصية بعد رمضان. وده لانه مش فاهم ان عادي ان هو يعصي ربنا - 00:32:10

ويقوم يقف على رجليه تاني. وزي ما قلت لكم كتير جدا الفرق بين الملتم ووالعاشي مش ان الملتم ما بيعصىش والعاشي بيعصى. الفرق بين الملتم ووالعاشي ان العاشي بيعصى وما يتوبش والملتم بيعصى ويتبوب. هو ده الفرق ما بين الاثنين. المرض الثالث الانهيار والغفلة اللي هو خلاص بقى يخربها بعد رمضان - 00:32:30

هي كانت فترة وبعد كده حدasher شهر بقى ان شاء الله رمضان اللي بعدهم اكفر عنهم فيه. المرض الرابع التعقيد والكلكعة انه عايز ما بعد رمضان يبقى رمضان عايز السنة كلها رمضان وده مستحيل يحصل. مستحيل يحصل. انت لو مشيت بخمس الطاقة بتاعتك بعد رمضان اللي - 00:32:50

كت فيها في رمضان فكأنما صام الدهر فكأنما قام الليل الدهر. فكأنما خليك بس امشي على الطاقة بتاعتك مرض وما تباقاش مسالى او خيالي. خليك واقعي. المرض الخامس بعد التعقيد اللي هو التوهان. اللي هو طب اعمل ايه بعد رمضان؟ شف ربنا - 00:33:10  
ده ايه النور اللي نور لك به قلبك في رمضان؟ شف ايه المكافأة الربانية اللي ربنا خلاك تدوق طعم عبادة معينة فيها في رمضان؟ ربنا فتح لك في ايه في في رمضان؟ ودي - 00:33:30

نكملي بقى بعد رمضان. ربنا فتح لك في الدعاء ربنا شرح صدرك للدعاء. ركز في حاجة ربنا فتح قلبك فيها لانها مواسم يا جماعة. شوية وجایة عشر ذي الحجة بازن الله سبحانه وتعالى. ده موسم تاني. وفك تاني وهتعيش مع ذكر الله سبحانه وتعالى ليل نهار. هتخرج بعطاء تاني. وهتخرج - 00:33:40

بنور تاني فخد بالك لو انت كل موسم وكل وقفة عبادة وكل عمرة او حجة ربنا من بها عليك. خرجت منها بنور واحد في انت بعد اربع خمس سنين هتبقى حاجة تانية خالص. و هتبقى وضع تاني خالص. احذر من التوقف بعد رمضان. احذر من الضعف بعد رمضان. احذر - 00:34:00

من امراض بعد رمضان احذر من البطالة بعد رمضان. ودي نقطه خطيرة جدا يا جماعة. المفروض ان يعني من الايات اللي بتتوقف الواحد يوقد من شجرة مباركة. يوقد الاحساس ده حسيت به في رمضان؟ الوقود انا لما اكون هولع شمعة يعني مش مش - 00:34:20

اوقد شمعة. انما لما الواحد يوقد نار ده اسمها ايه؟ ايقاض. ايقاض. النار ذات الوقود. النار العظيمة المهولة يوقد الشجرة المباركة القرآن. القرآن بيولعك من جوة. القرآن بيلهبك من جوة. القرآن بيولع جواك - 00:34:40

ريقة حماس على عبادة الله وطاعة الله. والدعوة الى الله. لما تقرأ قول الله في سورة نوح رباني دعوت قومي ليلا ونهارا. تبقى عايز تنزل تكسر الدنيا لما تقرأ قول الله في سورة طه وعجلت البك ربى لترضى. تبقى عايز تعيش حياتك عشان تنطلق الى الله. لما تقرأ قول الله في سورة الانعام وجهت وجهي - 00:35:00

للذى فطر السماوات. تبقى عايز توحد وجهتك على الله ما يباقاش في حياتك اي شيء. الا ربنا لما بتقرأ قول ما جعل الله قول رجل من

قلبين في جوفه بتبقى عايزة قلبك ده لا يوجد فيه الا الله وحده. والا ذكر الدار الاخرة وحدها. لما بتقرأ انا اخلصناهم - 00:35:20  
بخالصة ذكرى الدار بتبقى عايزة تسمع عن الجنة والنار لحد ما تبقى خالص مخلص لله سبحانه وتعالى. يبقى يبقى القرآن بيلهبك يوقد من شجرة مباركة. شجرة القرآن المباركة المفروض انها بتقد جواك جزوة الحماس للعبادة - 00:35:40

انت بقى لما تبقى عشت مع القرآن تلاتين يوم وتخرج من رمضان الدنيا معك باردة. بالله عليك ده معناه ايه؟ فين الوقود اللي اطاقت جواك؟ فين اللي ولعت جواك. فين الحماس اللي التهب جواك؟ القرآن عمل ايه في قلبك؟ تلاتين يوم. قلبك مع القرآن ما لقطش - 00:36:00

يوم قعدت تجيب عود الكبريت وتحكه في علبة الكبريت. وما ولعش. تلاتين يوم قاعد تحك. حبيبي يا مسعد. تلاتين يوم قد قلبك تعرضه لنور القرآن. وقلبك ما نورش. مشكلة كبيرة اوبي يا جماعة. هو احنا قلوبنا صعبة للدرجة ديت؟ احذر من - 00:36:20  
بطالة بعد رمضان. عشان كده ايات رمضان في القرآن جه بعدها سهل من التكاليف العملية. بعد ما ربنا قال شهر رمضان الذي انزل فيه القرآن الهدى للناس بينة من الهدى والفرقان. فمن شهد منكم الشهر فليصم. بعدها ربنا قال ايه؟ بعدها ربنا قال اربع حاجات. الحاجة الاولانية واذا - 00:36:40

اذا سألك عبادي عنى هو انت خارج من رمضان تسأل عن ربنا؟ انت خارج من رمضان عايزة تسمع اسماء حسنى وسلالسل اسماء حسنى عشان تعرف ربنا انت علاقتك بالله اتغيرت ما سورة البقرة اللي قالت يسألونك عن الخمر والميسر. قالت واذا سألك عبادي عنى. هو داخل المسجد جاي يسأل عن حكم - 00:37:00

القبار والخمر شكلها ايه؟ هو لو انا شربت خمرة ولعبت قمار هو الكلام ده حرام ولا حلال؟ النبي عليه الصلاة والسلام رباه لحد ما وصل اذا سألك عبادي لحد ما نسى المعاichi دي وبقى مقبل على الله سبحانه وتعالى. انت خرجت من رمضان قلبك مع ربنا متغير. واذا سألك عبادي عنى - 00:37:20

فاني قريب حسيت بقرب ربنا بعد رمضان. قربت من ربنا اكتر. فاني قريب اجيب دعوة الداعي اذا دعاني. استجابة الدعاء اه بتاعتكم اختلفت. بقى بتتحس ان استجابة الدعاء من الله لك بقت اكتر بعد رمضان. فليستجيبوا لي وليؤمنوا بي لعلهم يرشدون. يرشدون - 00:37:40

الطريق الى الله ينور ويبقى معه خط سير ويبقى راشد في الطريق الى الله. انت طريقك نور بعد رمضان. انت خرجت باليه من الایة دي بعد رمضان مش الایة دي اللي بعد شهر رمضان الذي انزل فيه القرآن. قربت من ربنا. دعائك بقى مستجاب؟ حسيت بالقرب من الله؟ ارتبطت بالله وبقىت - 00:38:00

عن اسماء الله الحسنى طريقك نور في الطريق الى الله. ده واحد دقایة من الایات اللي بعد رمضان. الایة الثانية ولا تأكلوا اموال بينكم بالباطل. وتذلوا بها الى الحكم. ما هو انت امتنعت عن اكل الحال في رمضان. ما تفطرش على الحرام بعد رمضان - 00:38:20  
انت في رمضان مش عشان تأكل الحال بعده. بيبقى من اول ثمار رمضان انك لازم تقف مع الحاجات الحرام اللي في حياتك بعد رمضان. لو مال حرام. لو كسب حرام. لو شهوة حرام. لو معصية حرام. لو نزد حرام - 00:38:40

لو بتسمع اغاني حرام لو فيه علاقة في حياتك حرام. لازم تقف مع الحاجات الحرام. لانك في رمضان نفسك عن الحال عشان ربنا. فهتمن عن الحال. ومش هتقدر تمنع نفسك عن الحرام عشان ربنا. بيبقى دي تاني وقفه بعد رمضان - 00:39:00  
وقفت مع اي حاجة حرام في حياتك ولا لا. الوقفة الثالثة بعد رمضان ودي وقفه جباره. يسألونك عن الاهله. قل هي موافقها للناس والحج. يسألونك عن الاهله. يعني الاهله بدأنا نتكلم عن الحج بقى عشر ذي الحجة. بيبقى انت خارج من رمضان. لو انت فعلـا - 00:39:20

رمضان نور لك قلبك. كل قضيتك الموسم اللي بعده. احنا خلاص يا جماعة احنا النهاردة آآآ تمنتاشر شوال. سواء بقى مصر او سعودي سبعتاشر او تمنتاشر شوال يعني انت متخيل باقى على عشر ذي الحجة خمس اسابيع. خمس اسابيع على عشر ذي الحجة. يعني لو احنا مستنيين رمضان احنا في الاسبوع الاخير من رجب. وداخلين - 00:39:40

على شعبان انت متخييل انت الميقات اللي بينك وبين ربنا لسة ما كملش. ووعدنا موسى ثلاثين ليلة ادي رمضان واتمنهاها بعشر عشر ذي الحجة ميقات ربك انت العهد اللي بينك وبين ربنا لسة ما كملش. انت الميثاق اللي بينك وبين ربنا لسة ما تمش. انت لست لك باقي الميقات اللي بينك وبين - 00:40:00

ربنا عشر ذي الحجة عشان يتم ميقات ربك اربعين ليلة في اللي هو رمضان التلاته عشر ذي الحجة. فانت خد بالك المهمة لست انت تستعد لعشر ذي الحجة من وانت خارج من رمضان. المفروض انت خارج من شهر رمضان الذي انزل فيه القرآن يسألونك عن الاهلة. انت خارج من رمضان بتتسأل - 00:40:20

عن عشر ذي الحجة و بتتسأل عن هذا الموسم الفضيل. يبقى من الوقت لازم تبدأ تشوق. من الوقتي لازم تبدأ تسمع من عشر ذي الحجة من عشان كده سبحان الله! هو اصلاً مازا بعد رمضان؟ اخطر حاجة تعلمها بعد رمضان انك تستعد لعشر ذي الحجة. انك تبدأ من الوقت - 00:40:40

جلسات زكر انك تبدأ من الوقت تشوف معجزات الذكر في حياتك. انك تبدأ من الوقتي انت خرجت من رمضان بايه و هتخرج في عشر ذي الحجة بايه؟ فده بيسلم لده وده من لطف ربنا. الحاجة الرابعة اللي ربنا قالها بعد رمضان. سبحانه و تعالى وقاتلوا في سبيل الله - 00:41:00

الذين يقاتلونكم ولا تعندهم. ان الله لا يحب المعتدين. قاتلوا. اول اية قتال في اول سورة مدنية اللي هي سورة البقرة. اول اي قتال. يبقى القتال ربنا اتكلم عنه امتي؟ بعد رمضان. يبقى بعد ما اتعلمت ان انا اضحى وانا جعان بالاكل واضحى وانا عطشان - 00:41:20

الشرب خلاص ضحي بنفسك ومالك عشان ربنا بقى. انت اتعلمت التضحية ودقت ثواب التضحية. ودقت اكرام ربنا لك بسبب التضحية انت اتعلمت التضحية في رمضان وقاتلوا في سبيل الله يعني ايه؟ المفروض تخرج من رمضان لك ثغر في نصرة دين ربنا. تخرج من رمضان وانت عندك اجهاد - 00:41:40

النفس في نص دين ربنا. يعني من الاخر يا جماعة لازم رمضان يغيرك. ربنا قبل منك رمضان على قد ما ما رمضان غيرك بعد رمضان. لو انت عايز تعرف رمضان بتاعك قبل عند الله قد ايه. شف رمضان غيرك بعده قد ايه. شف رمضان عمل بصمات في حياتك بصمات في رمضان - 00:42:00

بصمات رمضان في حياتك. رمضان غير في قلبك ايه؟ غير في قيامك ايه؟ غير في صلاة الجماعة بتاعتك ايه؟ انت الوقتي خارج تنور ومنطلق ولا انت الوقتي خارج فاتر. انت الوقتي بتسمع الكلام بتاعي وانت قاعد تفتك ذكريات رمضان. ولا انت بتسمع الكلام؟ وانت حاسس ان بفضل - 00:42:20

بسم الله الرجال اللي احنا بنتكلم عنه ده هو انت. هو انت احذر من البطالة بعد رمضان. خامس حاجة احذر من حروب الاسترداد بعد رمضان. الشيطان خارج لك. الشيطان مش ممكن يتنازل عن المعركة اللي بينك وبين دي مع - 00:42:40

حركة المصير. المعركة اللي بينك وبينه دي مش هتنتظر عند قيام يوم القيمة. هي معركة بينه وبين الانسان. هو كان عايز هو اللي ياخد اني جاعل في الارض خليفة هو كان عايز هو اللي يستخلف مكانك في الارض. وربنا اختارك انت. والحقد ملي قلبه عليك. هو ربنا طلب منك ايه واستعمركم فيها؟ انك - 00:43:00

انت تأمر الارض بالعبادة. طب هو بقى وزيته انك انت تخربها مش انك انت تعمراها. ان هو يقول لله يوم القيمة خربوها يا رب بالمعصية مش عمروها يا رب بالعبادة. هي دي الرسالة بتاعته. الشيطان خارج من رمضان يعمل حروب استرداد. يستردد - 00:43:20

يسترد الاجزاء اللي انت حررتها من قلبك تاني. يسترد المساحات اللي انت طهرتها من النكت السوداء بتاعة المعاصي الشيطانية تاني خارج يجري مجرى الدم عشان يقذف في قلبك الشهوات والشبهات تاني. خارج عشان دوريات الشيطانية تلف في دمك - 00:43:40

وتسيد على جوارحك تاني. الشيطان خارج يحاربك مرة تانية. خارج يقف لك مرة تانية. خارج يواجهك مرة تانية انت مستعد

- لمواجهة الشيطان ولا أ ؟ عشان كده الله سبحانه وتعالى يقول إن الشيطان لكم عدو فاتخذوه عدوا. طب ما إسرائيل عدو. إنما -

00:44:00

ما حدش متخرز عدو طبع و علاقات و بتاع حشو يتخز عدو ويا عدو و بتخطط لك تضربك ازاي و تطعنك ازاي بس انت مش متخرزها  
عدو اهو بالزبط كده ان الشيطان لكم عدوا. فاتخذوه ان الشيطان لكم عدو. فاتخذوه عدوا. اعلن الحرب عليه لان هو معلن الحرب  
علياء. بس . انت - 00:44:20

انت اللي مش حاسس. هو ازكي حاجة الشيطان عملها انه قدر يضيع الانسان من غير ما الانسان يحس بوجوده اصلا. وهي دي وظيفة الشيطان. انه يدمرك من غير ما تحس ان هو كان السبب. ولكن في الحقيقة وهو السبب. فهل انت اعلنت الحرب على الشيطان بعد رمضان؟ اخوانی واحبابی في الله. قصتنا كلها - 00:44:40

رمضان؟ اخوانی و احبابی فی الله. قصتنا كلها - 00:44:40

هي قصة استقامة. قصتنا كلها في قول الله سبحانه وتعالى فاستقم كما امرت. استقم. قصتنا كلها ان ما يباقاش فيه مراوغة مع الله سبحانه وتعالى. ان ما يباقاش فيه في لف ودوران مع الله قال تعالى وان تنوا او تعرضا. قبل ما ربنا يتكلم عن اللي بيعرضه وبيطنش وبيدي ضهره لربنا. ربنا اتكلم عن اللي بيلاوي. ربنا - 00:45:00

وبيدي ضهره لربنا. ربنا اتكلم عن اللي بيلوي. ربنا - 00:45:00

اتكلم عن اللي بيبله وبيدور. اللي بيبله وبيدور مع ربنا ده اخطر من اللي بيعرض عن الله سبحانه وتعالى. وما اعظم جريمة المعارضين عن الله. ولكن اللي بيبله وبيدور ده. دائمًا الانسان فذبحوها وما كانوا يفعلون. وما كانوا يفعلون ايه؟ هو هو عايز يهرب من: الحب في قعد بل - 00:45:20

00:45:20 - من الحب فيقع ديلف

يلف ويدور عشان كده ربنا قال بعدها ثم قست قلوبكم من بعد ذلك. الانسان لما يقعد يلف ويدور ويقرب ويبعد وآآيتذنب ويأخذ قرار ناحية ربنا وبعد كده ياخذ قرار بعيد عن ربنا. في الآخر قلبه بيقسى. ما فيش حاجة بتقسي القلب. قد انك تبقى عارف ما يرضي الله - 00:45:40

الله - 40:45:00

قاعدة وسطنا - 00:46:00  
او ما تعملوش. ثم قست قلوبكم من بعد ذلك فهي كالحجارة او اشد قسوة. قلبك ده حال قلبك قبل رمضان. قلبك قبل رمضان كان عامل زي الحجر كان عامل زي الجبل ما فيش فيه. ربنا جاب لك رمضان وان من الحجارة لما يتفجر منه الانار. فيه ناس دلوقتي

00:46:00 - قاعدة وسطنا

الس استمر يا حماعة - 00:46:20

السر استمر يا جماعة - 00:46:20

ان الذين قالوا ربنا الله ثم استقاموا. ده مكمل ده تتنزل عليهم الملائكة الا تخافوا ولا تحزنوا وابشروا بالجنة التي كتتم توعدون  
الانسان اللي بيكمel مع الله سبحانه وتعالى بنس الاسم. الفسوق بعد اليمان. ولا تكونوا كالتي نقضت غزلها من بعد قوة - 00:46:40  
عشان كده هنعمل ايه بعد رمضان؟ هنعمل ايه؟ ايه الكلام العملي بقى دلوقتي؟ الوقت انا جاي لكم تلات مشاريع بازن الله سبحانه  
وتعالى. تلات مشاريع بعد رمضان المشروع الاول هو مشروع دورة صفات رجل المرحلة. مشروع تفسير سورة الاحزاب - 00:47:00  
فاكرين تفسير سورة التوبه؟ فضل ومنة الله سبحانه وتعالى. يعني كانت دورة بفضل الله ناس كتير جدا انتفعت فيها. يعني وحفظت  
السورة وزاكرت تفسيرها. دورة ورا دورة بقى انت بتتبني. هنبأ هزه الدورة. واسمعنى سورة الاحزاب الواحد اختارها؟ عشان رجل  
المرحلة. لأن سورة الاحزاب يعني سورة بتتكلمك - 00:47:20

لما الأحزاب يتکالبوا على الدين المفروض انت تعمل ايه بقى ؟ المفروض ان يبقى رد فعلك انت ايه ؟ عشان كده ليه ربنا الصحابي الوحيد اللي ذكر في السورة وفي القرآن - 00:47:40

الوحيد اللي ذكر في السورة وفي القرآن - 00:47:40

كله هو سيدنا زيد شابه الانبياء في ذكرهم في القرآن. فلما قضى زيد منها وترا. مش لأن زيد بس آآ رينا بيجهز خاطره بطلاق السيدة زينب باتجاهها. ولكن لأن زيد كان رجل المرحلة. وكان نموذج لرجل المرحلة. نموذج لرجل المرحلة في ايه؟ ايه الصفات اللي -

00:47:50

انت لازم تبقى موجودة فيك عشان تبقى من رجال الله في هذه الفترة. سورة الاحزاب صورة رجل الازمة. انما سورة الفتح سورة رجل فتح. يعني الدين له مواطن يا جماعة. ساعة الهزيمة في ال عمران ربنا نزل ستين اية يكلمك عن رجال الهزيمة. مين الرجال عند ربنا -

00:48:10

الصف بيتهزم. ساعة النصر في غزوة الانفال في غزوة بدر. ربنا نزل سورة الانفال عشان يكلمك عن رجال النصر. مين الرجال ربنا بيبحب صفاته ساعة لما بنتصر. في ساعة الفتح اللي هي سورة الفتح ربنا نزل سورة الفتح. عشان يكلمك عن رجال الفتح - 00:48:30 صفات رجل الفتح لما الدين يبقى فيه فرص رهيبة لكسب اراضي في الدعوة. صفات الرجال اللي ربنا يحبه هنا ايه؟ طب ساعة الازمة الخانقة؟ ساعة طوب العالم كله على الاسلام ساعة لما الاسلام يبقى في عنق الزجاجة ساعة لما الدين يبقى في اخطر لحظات اللي هي سعة الاحزاب ساعة لما يتحزب - 00:48:50

الباطل كله ويحط ايده في ايدي بعضه ويتماسك عشان يهد الدين. وكل واحد ياخد الموقع بتاعه عشان يهد الدين من ناحية. صفات اجل اللي ربنا يحبه في اللحظة دي هي صفات آآآ الراجل المذكورة في غزوة الاحزاب او في صورة الاحزاب في صفات - 00:49:10 رجل المرحله الدورة بازن الله سبحانه وتعالى هنبدأها من اول المرة الجاية. والمفروض ان احنا نخلصها في اربع مرات او خمس مرات. سريعا جدا بازن الله لان ما عدش تأثرا على عشر ذي الحجة غير خمس جمع. فانت متخليل وبينهم كمان جمعة هنحتاج ان احنا نقف مع عشر ذي الحجة فيها. فانت يعني احنا يا رب - 00:49:30

صباح الجمعة هي خمس جمع بازن الله سبحانه وتعالى. ان ربنا ازن نخلص فيهم هزه الدورة وهتبقى دورة بجوايز الجايزه الاولى عمرة بازن الله. الجايزه الثانية نص عمرة. بازن الله - 00:49:50

الجوايز الثالثة بقى جوايز ماديه بعد كده يعني هتبقى زي سورة التوبه كده بازن الله سبحانه وتعالى. فعايزين من الوقتي نوطن نفسنا على هزا الامر طيب عشان نساعد بعض في الموضوع ده. وما يبقاش مشاريع وفي الاخر يا عيني نلاقي تلات اربع المسجد قاعد بيص كده للناس اللي شغاله وسخنانه - 00:50:00

وحاسس بالعجز هنبدأ من اول بازن الله سبحانه وتعالى الاسبوع الجاي وهنأخذ اسماء النهاردة هنبدأ تحفيز يلا نشجع بعض تاني فضل ومنية الله سبحانه وتعالى وبفتح الله سبحانه وتعالى. هنبدأ تاني نعمل تحفيز ليه؟ الشباب تحت ولية الاخوات فوق - 00:50:20

الاخوة والاخوات ان شاء الله هنعمل لكم تحفيز وهبيقى زي قبل الدرس. زي ما كنا بنعمل بالزبطة بفضل ومنة الله سبحانه وتعالى. وهبيقى هدفه حفظ السورة وتجويد في صورة والاستعداد للصورة. بحيس انك انت تلاقي من يساعدك في سلوك طريق تفسير كتاب الله. طبعا يعني فكرة ياللا نشجع - 00:50:40

احنا واحدينها من قول الله سبحانه وتعالى قل انما اعذكم بواحدة. ان تقوموا لله مثنى وفرادي ثم تتفكرروا مثنى الاول. انك انت لوحدك ممكن ما تقدرش تقوم لله قومه عاليه. ممكن ما تقدرش انك انت تبقى ايه راجل او اي في الدين. طب تعالوا نشجع بعض. تعالوا نازر بعض. تعالوا كده - 00:51:00

الله سبحانه وتعالى نحفظ السورة مع بعض. وفي نفس الوقت بقى نراجع الاوراد بتاعتنا مع بعض. وفي نفس الوقت تلاقي صحبة في الدين تقدر انك انت تستفيد من وفي نفس الوقت تلاقي اللي يشجعك وفي نفس الوقت حاجة تانية وجو تاني يا جماعة. فان شاء الله بازن الله المشروع الثاني اللي هنستعد به - 00:51:20

عشر ذي الحجة واللي هنخوض فيه الفترة الرمضانية دي اللي ما بين رمضان وعشر ذي الحجة زمان افتكر زمان الفترة دي دايما كانت بتبقى اكسل فترة في حياة كل الملتزمين او معزم الملتزمين. بل اكسر فترة في حياة كثير من الدروس الدعوية. ان ايه يعني ما فيش موضوع - 00:51:40

العكس ده فترة جبارة ما بين اعظم موسمين. ما بين رمضان وعشر ذي الحجة. فاحنا الفترة دي عايزين نملأها بالاعمال الصالحة. كما قال الله عز وجل واستعمركم فيها - 00:52:00